

হৃদয়-প্রতিধ্বনি

শ্রীপুলিনবিহারী দত্ত বিরচিত।

A schoolboy freak, unworthy praise or blame
I printed—Older children do the same.
’Tis pleasant, sure, to see one’s name in print ;
A book’s a book, although there’s nothing in’t.
Byron.



কলিকাতা :

গোপীকৃষ্ণ পালের লেন নং ১৫ :

নূতন বাঙ্গালা যন্ত্রে শ্রীদ্বারকানাথ বিদ্যারত্ন কর্তৃক
মুদ্রিত ও প্রকাশিত।

সন ১২৮৯।

পরম স্নেহনয়ী

স্বর্গীয়। পিতামহীর

চরণোদ্দেশে

প্রগতি-নম্র

গ্রন্থকার

কর্তৃক

ভক্তিভাবে

উৎসর্গীকৃত

হইল

১০ই বৈশাখ—সম্বৎ ১৯৩৯

সূচীপত্র ।

পাতা মুড়িবেন না

কেন বিষাদিত হৃদয় আমার ?	১
কোথা পাব সুখ ?	৩
প্রভাতে মিলন ।	১০
বিভাবরী ।	১৬
মহারাষ্ট্রীয় রণ-গীত ।	১৯
নিদ্রা সম্বোধনে ।	২১
যৌবনে যোগিনী ।	২২
শুষ্ক মালা ।	২৫
নিশীথ সময়ে, তটিনী হৃদয়ে ।	২৭
আশা-নৈরাশ্য-সংবাদ ।	৩৭
অতীত জীবনালোক ।	৩৯
কাহ্নে বুঝে আঁখি ?	৪১
ছুটি চাঁদ ।	৪২
কেন তোরে এত ভাল বাসি ?	৪৬
যামিনী ।	৫১
রূপ রবে কতক্ষণ ?	৫২
ফিরে পাব কি আবার ?	৫৩
ললিত এসরাজ ।	৫৫

বনদেবী ।	৫৭
শয্যা কণ্টক ।	৬১
প্রকৃতি সন্মোদনে ।	৬৩
স্বর্গীয়া পিতামহীর চরণোদ্দেশে ।	৬৭
বিদায় বিদ্যালয় ।	৭১

হৃদয়-প্রতিধ্বনি ।

কেন বিষাদিত হৃদয় আমার ?

হায়, কেন বিষাদিত হৃদয় আমার ?

কেন আঁধার বিজন ?

প্রসন্ন আকাশ-পটে মেঘের সঞ্চার—

বিভীষিকা কি কারণ ?

ওরে মোর মন !

এ যে রে সুখের ধরা—

আনন্দ উৎসবে ভরা,

তুমি স্নান স্নানলে

কেন তবে মর জলে ?

বল মোর মন !

বিমল আকাশে পাখী সমাগত প্রায়—
 বুঝে ঝটিকা লক্ষণ ;
 অনুভব করি কিহে নিকট বাতায়
 তাই বিষণ্ণ এমন ?
 ওরে মোর মন !

আমি যাহা বলি শোন,
 পার তুমি যতক্ষণ,—
 হও হে আনন্দময় ?
 ভেব না ভবিষ্য ভয় ;
 রে পাগল মন !

তথাপি না জানি কেন, অবোধ অন্তর,
 মম না শুনি বচন,
 উষঃ দীর্ঘ শ্বাস ফেলি দিলি রে উত্তর,
 মর্ম্ম করিয়া মথন ।
 ওরে মোর মন !

“সন্ধ্যাকালে নীলাকাশে—
 রাঙা রাঙা মেঘ হাসে,
 রজনীর ছায়া তায়—
 বল, কভু কি ছাপায় ?”
 উত্তরিল মন ।

কোথা পাব সুখ ?

কোথা পাব সুখ, কে কবে আমারে ?
রাজার প্রাসাদে, গৃহীর আগারে,
দীনের কুটীরে, দেবের মন্দিরে,
কোথায় না আমি, সুখ পাইবারে,
খুঁজিলাম এই ভবের বাজারে ?

শৈশব অবধি, সুখের সন্ধানে
ফিরিলাম আমি কত শত স্থানে,—
ভীম হিমাচলে, সাগরের তলে,
সমতল ভূমে, মরুময় দেশে,
কোথা না গেলাম সুখের উদ্দেশে ?

সরলতাময় শৈশব সময়,
হিতাহিত বোধে অক্ষম হৃদয়,
শিশুগণ সঙ্গে— ধূলা মাখি অঙ্গে—
হইত আনন্দ পুতুল খেলায় ;
এখন কি তাহে মন সুখ পায় ?

পরে বিদ্যালয়ে একপাঠী সনে
 বিজ্ঞান রহস্তে, গণিত দর্শনে,
 ভূগোল জ্যোতিষে, কাব্য ইতিহাসে,
 পাইত আমোদ নবীন হৃদয়,
 এখন সে সবে নাহি সুখোদয় !

তার পর সেই যৌবন সময়
 নবীনা নারীর কোমল প্রণয়,
 ভাবে গদগদ, প্রেমে বশস্বদ,
 কতই আগ্রহ দেখিতে সে মুখ,
 নয়নে নয়নে কি অসীম সুখ !

মধুর সন্ধ্যায় প্রমোদ কাননে,
 কুসুম রূপিণী প্রিয়ার মিলনে,
 তুলি ফুলভার, পরিতাগ হার
 হুহুনে, বিরলে আনন্দ অপার ;
 এবে সুখ তাহে নাহি কিছু আর !

প্রভাত-কুসুম-সদৃশ নন্দনে,
 স্নেহের প্রতিমা তনয়া রতনে,
 কোলেতে লইতে, হৃদয়ে ধরিতে,
 জুড়াত জীবন, ভুলে বেত মন ;
 এখন কি হেতু নহেরে তেমন ?

কুবের দেবের আরাধনা তরে,
 অগাধ-তরঙ্গ অকূল-সাগরে,
 মুকুতা তুলিতে, প্রবাল লভিতে,
 ডুবি বার বার ভীম রত্নাকরে,
 বাছিয়া লয়েছি তন্ন তন্ন করে ।

আবার বসুধা-হৃদয় খুলিয়া,
 আঁধার গভীর আকর খুঁজিয়া,
 কাঞ্চন রজত আদি ধাতু কত,
 হীরা, পান্না, চুনি, আর মণি যত
 করেছি সকলি নিজ হস্ত গত ।

সোণার প্রাঙ্গণে, হীরার মন্দিরে,
 যশের পতাকা উড়ায়ে সমীরে,
 কমল আসনে, কোমল ভূষণে,
 পূজেছি কমলা-যুগল-চরণে ;
 এবে সুখ নাই ধন উপার্জনে !

আবার কখন বিলাসভবনে,
 উজল আলোকে, স্রবাস পবনে,
 বেণু, সপ্তস্বরী, মৃদঙ্গ, সেতারী,
 কামিনী-চরণ-নৃপূরের সনে
 মিলি একতানে বাজে মধুস্বনে ;

কুটিল কটাক্ষে চৌদিক মোহিয়া
 আনি তম্ব বেণী পিছে দোলাইয়া,
 নৃত্য গীত লয়ে, হাব ভাব চয়ে,
 অঙ্গের বিক্ষেপে রূপের তরঙ্গ,
 তুলি মৃদু মৃদু, জাগারে অনঙ্গ

নাচিত নর্তকী, মাতারে দর্শকে
 স্খাপূর্ণ পাত্র ফিরিত চৌদিকে ;
 স্মধুর তান, স্নললিত গান,
 তখন সে সবে জুড়াত পরাণ;
 এবে তাহে হয় বিষ অনুমান !

কখন কুটুম্ব সমাজে বসিয়া—
 হাসায়ে সকলে, আপনি হাসিয়া,
 তাস পাশা ধরে, খোস গল্প করে,
 কভু ভোষানোদে, কভু প্রশংসায়
 তুষেছি সকলে, যে যেমন চায় ।

হায় ! এইরূপে আশার ছদ্মবেশে,
 কতই যতনে স্নেহের কারণে,
 কতই দেখেছি, কতই ঠেকেছি
 কতই শিখেছি একে একে করে
 স্নেহ অন্বেষণে ধরণী ভিতরে !

নব নব ভোগে জনমে আহ্লাদ,
 পুরাণ হলেই অমনি বিষাদ,
 বুঝিলাম সার, খুঁজিব না আর;
 ধরণীতে কিছু নিত্য স্মৃতি নাই—
 এ ভুলোক স্মৃতি অস্মৃতির ঠাই !

একদা দাঁড়ায়ে যমুনা-পুলিনে,
 প্রদোষ সময়ে, ব্রজের বিপিনে,
 হৃদয়ের কথা, গরমের ব্যথা
 এই খেদ-গান, একাকী বিজনে
 গাইতেছিলাম আপনার মনে ।

গীত শেষ হোলো, অমনি তখনি
 স্বর্গীয় সৌরভে ভরিল মেদিনী,
 অঙ্গুরা-বীণার মধুর ঝঙ্কার
 স্নম স্নললিত, মেঘের পবনে
 এই কথাগুলি আনিল শ্রবণে ।—

“ধর বৎস, ধর মম উপদেশ,
 যদি চাও নিত্য স্মৃতির উদ্দেশ,
 হৃৎকথ দূর হবে, চির স্মৃতি হবে,
 মনের মালিন্য, হৃদয় বিকার,
 যুচিবে মানব-জ্ঞানের আধার ।

“কৃত্রিম আশ্রয়, মান, অহঙ্কার,
 বিষয়-লালসা কর পরিহার ;
 ধনের গৌরব, বিদ্যার সৌরভ,
 অলস বিলাস, ইন্দ্রিয়ের আশা,
 ত্যাগ কর যত পার্থিব-পিপাসা ।

“ছুষ্ট রিপুচরে কর হে দমন,
 নিন্দা তোষামোদে দিওনাকো মন,
 সুখের সন্ধানে ফিরি স্থানে স্থানে,
 যতই বেড়াবে তুমি ঘুরে ঘুরে,
 ততই তোমার সুখ যাবে দূরে ।

“মানবের জ্ঞান ভ্রান্তি-জাল ভরা
 মানবের গ্রন্থ কপটতা পোরা ;
 হেন জ্ঞান তরে, হেন গ্রন্থ পড়ে
 করিওনা বৃথা সময় ক্ষেপণ,
 প্রকৃতির পুথি কর অধ্যয়ন ।

“তাহলেই পাবে সুখ অবিনাশী
 যার তরে তুমি এত অভিলাষী,
 প্রকৃতির পত্র, স্বভাবের ছত্র,
 আনন্দের উৎস, সুখের আকর,
 বিরাজে সন্তোষ যাহে নিরন্তর ।

“চাঁদের আলোকে, রবির কিরণে,
ভীম প্রভঞ্জন, মূহু সমীরণে,
ভ্রমর-ঝঙ্কারে, কেশরী-হুঙ্কারে,
সলিল-প্রপাতে, তুটিনী-হিল্লোলে
উষ্ণ প্রশবণে, সাগর-কল্লোলে,

“কুসুম-সৌরভে, কোকিল-কূজনে,
শৈবালের দলে, কমল-কাননে,
পত্রের মর্ম্মরে, বিমল নির্ঝরে
তরুতে, মরুতে, মাটিতে, গগনে,
জন-কোলাহলে, অথবা বিজনে,

“প্রকৃতির রাজ্যে যেখানে যাইবে,
অবিচল সূখ সেখানে পাইবে ।
সৃষ্টির মাঝারে দেখিতে স্রষ্টারে
সদা সাবধানে করিবে সাধনা,
নিসর্গ-সন্দর্ভ বাহার রচনা ।

“সুখের হুঃখের মনই জনক,
মনেই স্বরগ, মনেই নরক,
শান্তি বিনোদিনী সুখের জননী ।
সন্তোষ-অমৃত কর বাছা পান,
অমর আনন্দে জুড়াবে পরাণ !”

এই কথা বলে বাণী শেষ হলো,
 গগনের বাণী গগনে মিশালো,
 শব্দ-সঙ্গিনী প্রতিধ্বনি ধনী
 অমনি তখনি গভীরে ভাষিল;
 “সন্তোষ-অমৃত কর বাছা পান,
 অমর আনন্দে জুড়াবে পরাণ !”



প্রভাতে মিলন ।

চললো নলিন, যাই বেড়াতে ছুজনে,
 এখনো তপন দেব হয়নি উদিত,
 এই সবে উষা কাল, যেন সূক্ষ্ম ধুমজাল
 রাখিয়াছে অবনী জড়িত ।
 জ্বলন্ত অরুণ আভা পূরব গগনে
 নাগিকার মুখ যেন নায়ক-মিলনে ।

ওই দেখ শুকুতারা উজ্জ্বল কিরণে
 তারা-হীন গগনের গৌরব প্রকাশে,
 আজি শুরু চতুর্দশী, ঢুলিয়া পড়েছে শশী—
 আভাহীন, পশ্চিম আকাশে ।

সহজে কে ছাড়ি যেতে চায় প্রিয়জনে ?
 বিধুর বিধুর মুখ—বিধির লিখনে ।

সরসী-তরঙ্গে ক্ষণ খেলিয়া পবন,
 আমরি ! অলক তব মূহু দোলাইয়া,
 কুসুম সর্বস্ব ধন—সৌরভ, করি হরণ,
 টিপি টিপি যায় পলাইয়া,
 কুকাজ গোপনে তার রবে কতক্ষণ,
 শাখা নাড়ি দেখাইয়া দেয় তরুগণ ।

চমকিলে কেন ধনি, সহসা শুনিয়া,
 কোকিলের প্রাভাতিক আগমনী-গীত ?
 বনমাঝে লুকাইয়া, উঠিল ঝঙ্কার দিয়া,
 প্রতিধ্বনি করি দ্বিগুণিত ;
 তাহা শুনি কত পাখী উঠিল ডাকিয়া,
 চাতক, শালিক, শামা, দয়েল, পাণিয়া ।

চেয়ে দেখ চারি দিকে ফুলকুল ফুটিল,
 শ্রামাজিনী বনস্থলী কত শোভা ধরিল,
 উষার কুন্তল দলে, যেন মণি রত্ন দোলে,
 নিশিতে জোনাকি যেন জ্বলিল,
 অথবা সুনীল নভে তারাচয় উদিল,
 কিম্বা অম্বুরাশি-জলে কম্বুরাশি ভাসিল ।

এস বসি শশিমুখি, এই শিলাসনে
 যথায় শৈশব কালে বসিয়া বিরলে,
 এই ভাগীরথী কূলে, এই বট তরুমূলে,
 হেরিতাম তরঙ্গিত জলে,
 খেলিতাম জলমাবো আনন্দে ছুজনে,
 বাল্যের সে সব কথা আসিতেছে মনে ।

প্রদোষে উষায় নিত্য আসি এইস্থলে,
 তুলিতাম ফুলকুল গাঁথিতাম মালা,
 ছুজনে দাঁড়িয়ে তীরে, পবিত্র জাহ্নবী নীরে,
 ভাসাতেম কুসুমের ডালা,
 নেচে নেচে ফুলমালা ভেসে যেত জলে
 নাচিতাম করতালি দিয়া কুতূহলে ।

ওই যে পাখীটি মাখি সোণার কিরণ,
 ভাসাইয়া ধরাতলে সঙ্গীত লহরী—
 অপরার বীণাপ্রায়, মিশালো গগনগায়,
 চাতকিনী জলদ-কিঙ্করী ;
 কত দিন বাল্যে ওরে করেছি দর্শন,
 বিনোদিনি সে সকল আছে কি স্মরণ ?

এই কূলে তরুমূলে বসিয়া ছুজনে,
 গাইতামি মধুময় গীত সমস্বরে,
 মিশিত সলিল সঙ্গে, মিশিত অনিল সঙ্গে,
 মিশাইত পত্রের মর্ম্মরে,
 মিশাইত তাহা কল বিহঙ্গ কুজনে ;
 সে সকল কথা কিলো পড়ে তব মনে ?

আজো দেখ শুভে, সেই আগেকার মত
 হাসিছে অরুণ গঙ্গা তরুণ কিরণে,
 স্নান মলয় বায়, ওই তরি ভেসে যায়,
 শ্বেত পাল উড়ায় গগনে ।
 অস্থির তরঙ্গমালা আসি অবিরত
 সবলে আফালি কূলে করিছে আহত ।

ঠিক এই ভাব আজি ধরেছে আমার,
 প্রফুল্ল হৃদয়-নদ তব দরশনে,
 আশা-তরি তালে তালে, সুখময়ী চিন্তা-পালে,
 নাচিতেছে স্মৃতির পবনে,
 সংশয় প্রচণ্ড ঢেউ আসি বার বার,
 সবেগে হৃদয়-তটে করিছে প্রহার ।

হায়, কুল-অভিमानে জনক তোমার,
 অভাগারে দিয়ে ফাঁকি অভীষ্ট রতনে,
 অপর জনের করে, চেয়েছিল দিতে তোরে,
 লোক ভয়ে, মানের কারণে ;
 সেই হুঃখে জন্মভূমি পরিত্যাগ করে,
 ভ্রমিলাম দেশে দেশে ভুলিবার তরে ।

কিন্তু কিরে পারিয়াছি ভ্রমি নানা স্থানে,
 ভুলিতে ক্ষণেক তরে ও রূপ মোহন
 অমল কমল আস্য, সরল তরল হাস্য,
 প্রেম-উৎস ও ছুটি নয়ন ?
 ভূধর নগর গ্রাম অরণ্য অশানে,
 সমভাবে ছিল মনে, গিয়াছি যেখানে ।

কুসুমিত উপবনে স্রবাস অনিলে,
কলবিহঙ্গীর গানে, ভ্রমর গুঞ্জনে,
বিমল সরসী-জলে হেরি ফুল শতদলে,
শশধরে শারদ-গগনে ;

জগতে সুন্দর কিছু দেখিলে শুনিলে,
ডুবিত বিবধ চিত্ত চিন্তার সলিলে ।

কে পারে ছেদিতে দৃঢ় প্রণয় বন্ধন ?
করাল-দশন কাল পারে কি না পারে !
প্রণয় চুষক প্রায়— প্রিয়া পাশে পুনরায়—
টানিয়া আনিল অভাগারে ;
আজি নিশি সুপ্রভাত, তাই দরশন
পাইলাম ভাগ্যফলে, অদৃষ্ট লিখন ।

কি বলিলে প্রাণকান্ত (কহিল নলিনী)
কি আছে সংসারে যাহা তুল্য তোমাসনে ?
জননী সদয়া হয়ে, জনকেরে বুঝাইয়ে,
চেয়েছেন দিতে ও চরণে ;
ধরণীতে যে রমণী পতি-সোহাগিনী,
তার চেয়ে ভাগ্যবতী কোন্ সীমন্তিনী ?

ভুলে ছিল দাসী বুঝি ভাবিয়াছ মনে,
 ও সুন্দর মূর্তি তব ও চারু বয়ান,—
 এই ভাগীরথী কূলে, এই বট তরু মূলে,
 নিত্য আনি করিতাম ধান ;
 বিদেশে না যেতে যদি তাহলে দুঃসনে
 মিশিতাম মিশে যথা সৌরভে পবনে ।

ইহা বলি প্রিয়তমা কুসুম চয়ন
 করি, নিজ করে মালা গাঁথিল আপনি,
 প্রেমের পুতুলি বালা, গলে মোর দিল মালা,
 সাক্ষিণী করিয়া সুরধুনী ;
 আদরে অধর ধরে করিছু চুম্বন ;
 সাগরে লভিল নদী,—প্রভাতে মিলন ।

বিভাবরী ।

বিভাবরী—বিশ্রামের কাল,
 দিবসের শ্রম সেরে—শ্রান্ত ক্লান্ত কলেবরে
 যখন শয়ন করি বিরামলগ্নায়
 শান্তিতলে মাথা রেখে, আলস্তেতে অঙ্গ ঢেকে
 তখন কি সুখোদয় কোমল নিদ্রায় !
 সে সময়ে সমস্তই রাখাল ভূপাল ।

বিভাবরী—স্বপনের কাল,
 সত্যাসত্যে মিশাইয়া, নানা রসে চিকণিয়া—
 রমণীয় নাটকের অভিনয় মত,
 স্মৃতি যবনিকা তুলে,—ধেলে মনো-রঙ্গস্থলে ;
 হায় রে ! জাগ্রত-স্বপ্ন—আশা ভঙ্গে যত
 যদি দাহ, নিশাস্বপ্নে নাহি সে জঞ্জাল ।

বিভাবরী—সাধনের কাল,
 প্রাচীন শাস্ত্রের খনি মাঝে গুপ্ত রত্নমণি
 যতন খনিজ যোগে করিতে সঞ্চয়,—
 কবিগীতি, ধর্মকথা, বীরকীর্তি, নীতিগাথা,
 অতীত-কন্দরে যাহা হতেছে বিলয়—
 অনাদরে, সে সব পুরাণ ধনজাল ।

বিভাবরী—বিলাপের কাল,
 যে সকল প্রাণসম—পরিজন প্রিয়তম
 চির-নিদ্রাগত নদী-সৈকত-শয্যায় ।
 মর্ম্মতল ভেদ করি, নীরবে নয়নবারি,
 সে সকলে ধীরে ধীরে অলক্ষ্যে ভিজায় ।
 অগ্নয়-কোমল-কলি-ছেদ কি করাল !!

বিভাবরী—ভাবনার কাল,
 বিজনে বিদেশী বসি, নীলাকাশ, তারা, শশী
 হেরি স্বদেশের কথা ভাবে মনে মনে,
 পরিচিত ঘরদ্বার, প্রিয়বন্ধু পরিবার—
 ছাড়িয়া এসেছে সবে, অদৃষ্ট লিখনে,
 যে সকলে প্রাণাধিক বেসেছিল ভাল ।

বিভাবরী—যাতনার কাল,
 অনুতাপ অগ্নি দিয়া,—পুটপাকে গুমরিয়া,
 পাপীর হৃদয় হয় দন্ধ স্তরে স্তরে ।
 নৈরাশের নিশাচর, মূর্তি ধরি ভয়ঙ্কর
 নয়ন সন্মুখে হাসি, কত ব্যঙ্গ করে ।
 শিহরে পাতকী হেরি সে মূর্তি করাল ।

বিভাবরী—কল্পনার কাল,
 বাহিরিয়া দেহ হতে—মন, অন্তরীক্ষ পথে—
 মর্ত্যলোক সীমাপারে বিচরণ করে,
 বৈজয়ন্ত, অলকায়,—কভু বা বৈকুণ্ঠে যায়—
 কভু নরকের ভীম তামস গহ্বরে
 চিরোজ্জ্বল ব্রহ্মলোকে অনন্ত বিশাল ।

মহারাষ্ট্রীয় স্বর্ণ-গীত ।

পর্বতশিখরে, গহনগহ্বরে,
শাদ্দীল-নাদিত কানন ভিতরে,
মরুভূমি মাঝে, দুর্গম প্রান্তরে,
যথা তথা থাকি অভয় অন্তরে ।

সুদৃঢ় আশ্রয় নিজ বাহুবল,
অবিচল ধৈর্য্য পাথের সম্বল,
মহারাত্রিবালা-কটাক্ষ কেবল—
ভয় করি অধু পৃথিবী ভিতরে ।

ভ্রমি দলে দলে, রণে দৃঢ় কায়,
বিন্ধ্য, নীলগিরি, মলয় চূড়ায়,
শয়ন ভোজন চড়িয়া ঘোড়ায়,
সম গ্রীষ্ম শীত, দিবস রজনী ।

ভূঙ্গগিরি-শিরে অদৃশ্য থাকিয়া
নগনদী প্রায় পাষাণ ভেদিয়া
অরি-বক্ষে পড়ি, অসি প্রহারিয়া
রিপুরজ্ঞে করি, উর্বরা ধরনী ।

রোগে মৃত্যু কি তা জানি না কখন,
জানি না কখন ভীকৃত্য কেমন,
পরের পাছকা মাথায় বহন,
জানি না কখন গোলামী কাজ ।

স্বাধীন শরীর, স্বাধীন জীবন
স্বাধীন হৃদয়, স্বাধীন মনন,
স্বাধীনতা সহ প্রাণ বিসর্জন,
হাসিয়া দিই রে সমরমাঝ ।

কি জানিবে তারা সমরে কি স্মৃতি ?
কি বুঝিবে তারা, যাহাদের বুক
সাহসের নামে করে ধুকধুক,
রণরঙ্গে নাচে ধমনী যবে ?

কি বুঝিবি তুই অরে রে বিলাসি,
অসম সাহসে কত স্মৃতি রাশি,
অতুল বিপদে কি আনন্দে ভাসি,
যবে তেজোবলে এড়াই সে সবে ?

যখন তুলিয়া বিজয় নিশান
রণবেশে সাজি কটীতে কুপাণ
করে সজ্য ধনু, বর্ষা থরশান,
দোলায়ে পশ্চাতে সশর ভূগীর ।

তখন সমরে নহে কম্পবান্
কোন্ হিন্দু যোধ, কোন্ মুসলমান্,
ক্ষত্র, বৌদ্ধ, শিখ, মোগল, পাঠান,
আমাদের ডরে নহে নত শির ?

এস ভাই সব ধর হাতিয়ার,
ধনুগুণ টান, খোলো তলোয়ার,
অনার্য্য যবনে সিদ্ধু নদ পার
করে দিব চল,—ভারত হইতে ।

মঙ্গল-নিধান শঙ্করী ঈশান
করুন সবার বিজয়-বিধান ;
বল হর হর, যায় যাক্ প্রাণ
স্বদেশ উদ্ধারে সগর ভূমিতে ।

নিদ্রা সম্বোধনে ।

কোথা নিদ্রাদেবি, এস এ সময়ে
সঙ্গে আন স্বপ্নদূতী, শ্রমবিনোদিনী,
বিরাম-ব্যঞ্জন বৃহ দোলাইয়ে
তাপিত ললাট মম স্নিগ্ধ কর ধনি !

শোক-দন্তে যবে হৃদি জর জর,
কোতুকরসিকে ! কেন পলাও তখন ?
অথবা, যখন শীর্ণ কলেবর—
অশ্রুসিক্ত-শয্যাতে করে বিলুপ্তন ?

যবে ফুল ফলে প্রফুল্ল কানন,
শান্তি সখী সঙ্গে লয়ে সুখ বিতরিয়া
কোমল চরণে বেড়াও তখন,
সুখের সময়ে এত নহ ত নিদ্রা !

কাজ নাই দেবি ! হওলো বিদায়,
অদূরেতে কালরাত্রি নীরবে যখন
মহানিদ্রে ! বলি ডাকিবে তোমায়,
চিরশান্তি দান কোরো আসিয়া তখন ।

যৌবনে যোগিনী ।

ওই যে মলিন-মুখী সরলা কামিনী—
বিরলে বিজনগৃহে বসি একাকিনী ;
নীরবে নয়ন দিয়া—গগু বন্ধ ভাসাইয়া—
বহিছে মলিন ধারা, কেও অভাগিনী ?

মলিন বসন পরা, ধূসরিত কেশ,
ঘনস্থাসে জানাইছে অন্তরের ক্লেশ ;
কর্ণ কণ্ঠ করে তার—নাহি কোন অলঙ্কার,
শূন্যদৃষ্টে চেয়ে কেও, উদাসিনী বেশ ?

বালিকা বয়স তার হয়নি অতীত,
হয় নাই আজো তার জ্ঞান বিকসিত ;
এ বয়সে কেন তার—হৃদে হেন গুরুভার ?
প্রভাত না যেতে পদ্ম কেন নিমীলিত ?

জান কি উহারে কেহ, কেও অনাথিনী ?
চিনেছি চিনেছি ও যে বিধবা রমণী ;
সধবালক্ষণ তাই—সীমন্তে সিন্দূর নাই,
আহা শ্বেতবাস পরা, যৌবনে যোগিনী ।

হায়রে এ জন্ম মত ঘুচেছে উহার—
সুখভোগে অভিলাষ, শরীর-সংস্কার,
বার মাস এক বেশ, চিরদিন সমক্লেশ,
দিবস রজনী এবে সমান আঁধার ।

বাজু বালা কণ্ঠহার বসন ঢাকাই,
আতর তাম্বুলে আর অধিকার নাই,
সকল সাধের সার—বাঁধিবে কবরী ভার—
হায়, সে সাধেও তার পড়িয়াছে ছাই ।

স্বপ্নের শাশুড়ী আছে পিতা মাতা ভাই,
 এ সব থেকেও যেন কেহ তার নাই ;
 আর কভু তুলে মাথা—হাসিয়া কবে না কথা,
 ঘরে পরে তিরস্কার, লাঞ্ছনা সদাই ।

যে দিন গিয়াছে পতি, আনন্দ উল্লাস—
 সঙ্গে তার গেছে সব, স্নান হা হতাশ ;
 এ কাল বয়স হতে আ-মরণ খেতে শুতে—
 সার মাত্র তার পক্ষে ব্রত উপবাস !

রমণী মরিলে পরে পুরুষে আবার—
 বিবাহ করিতে পাবে, মরে যতবার,
 কামিনী কোমলা ব'লে, তাই দাও পারে ঠেলে,
 বিদ্বান্ পুরুষ জাতি ! ধন্য এ বিচার !!

হা ধিক্ ! পুরুষজাতি, একবারো ভাবনা
 সরলা বিধবা বাল্য সহে কত যাতনা ?
 পতি পরলোকে যার, বল কি সে অবলার—
 থাকে না কি দেহে আর অস্থি মাংসে যোজনা !!!

বসন্ত-প্রভাতে প্রেয়সীর সনে
 ভ্রমিতে ছিলাম ফুল উপবনে ;
 কুসুম-সৌরভ, মেছুর পবনে,
 নাচিয়া নাচিয়া নাচালে অন্তরে ।

বাছিয়া বাছিয়া কাননের সার
 সূচারু সুবাস ভুলি ফুলভার,
 গোলাপ চম্পকে গাঁথিলাম হার,
 প্রিয়া কবরীতে পরানু আদরে ।

শিরে ফুলকুল শোভিল সুন্দর,
 তার তলে মুখ আরো শোভাকর ;
 কুলের সৌরভ কিবা মনোহর,
 প্রেয়সী নিশ্বাস পবন যেমন !

যে দেখিল, আঁখি তাহারি ভুলিল,
 হরিষ বিস্ময়ে সবাই বলিল,—
 ‘আমরি ! ও চূলে যেমন শোভিল
 কাননে কুসুম শোভে না এমন ।’

সারাদিন গেল, যখন স্নন্দরী
 সন্ধ্যার সময়ে খুলিল কবরী,
 পড়িল মালিকা বেণী হতে ঝরি
 শোভা পরিমল নাহিক তেমন ।

শুষ্কপ্রায় মালা হেরিয়া ভামিনী
 বারেক মুচকি হাসিল, অমনি—
 অশ্রু এক বিন্দু ঝরিল তখন
 সন্ধ্যার কুসুমের শিশির মতন ।

হরিষ বিষাদ বিরোধী উভয়,
 মনে তার দেখি একত্রে উদয়,
 কি ভাবি, এ ভাবে ভরিল হৃদয়?
 নয়নে নয়নে জিজ্ঞাসিহু তায় ।

ছাড়িয়া নিশ্বাস বলিল সরলা
 “হৃদয়ে দেখ নাথ, প্রভাতে এ মালা
 ছিল কি স্নন্দর, হায় রে এ বেলা
 কোথা সে মাধুরি? রসহীন প্রায়

“প্রভাতে প্রাণেশ আপনার করে,
 পরালে এ মালা কতই আদরে,
 তুমি সুখী হেরে, আমি সুখী প’রে,
 সে সুখ অরিয়া হৃদয়ে আহ্লাদ ।

“এ মালার মত সকলি কি, হায় !
তুমি আমি, নাথ, প্রফুল্ল উষায় ?
জীবনের সন্ধ্যা—কাজ কি কথায়
ভাবিয়া দেখ না কিহেতু বিষাদ ।”



নিশীথ সময়ে, তটিনী-হৃদয়ে ।

আজি একাদশী—বিজয়ার পর ;
শারদ রজনী, শশধর কর—
ভাগিরথী জলে খেলে কুতূহলে ;
স্বনীল গগনে ষ্ঠেত মেঘমালা
ভেসে ভেসে যেন করিতেছে খেলা,

কভু বেগে ধায়, কভু ধীরে যায়,
কখন বিস্তৃত, কভু দীর্ঘ কায় ;
কাদম্বিনি, বল, একি খেলা খেল ?
মানব-অদৃষ্ট সদৃশ চঞ্চল,
আসিছ, ভাসিছ, ছুটিছ, কেবল ।

নীরব বিজন বিমল রজনী
 একাকী চলিছে চড়িয়া তরণী ;
 শ্যামল আকাশ, কোমল বাতাস,
 তটিনী-তরঙ্গ, তারকা, চন্দ্রমা,
 সবে বিরাজিছে শান্তি মনোরমা ।

মহানগরীর জন-কোলাহল
 মুছ গুণ্গুণে আসিছে কেবল,
 প্রবাহ নিকরে কুলু কুলু করে,
 কচিৎ কোথাও নাবিক-চীৎকার
 বামিনী-বিরাম করিছে সংহার ।

জাহ্নবী-হৃদয় স্বচ্ছ দরপণে
 অঙ্কিত জলদ, শশী, তারাগণে—
 দেখে সমুদয় হেন জ্ঞান হয়—
 দ্বিতীয় আকাশ বুঝি জল তলে
 স্রজিয়াছে কেহ ইন্দ্রজাল বলে ।

সূদূর উত্তরে আকাশ নামিয়া
 তরঙ্গিনী সনে গিয়াছে মিশিয়া,
 স্রধু মাঝে তার ক্ষীণ শ্যামাকার
 রেখা মাত্র, সীমা হয় অনুমান,
 তাহে দুচারিটি আশো বিদ্যমান ।

পশ্চাত ফিরিয়া দেখিছু অদূরে—
 উজল বিশাল নদী কক্ষ বুড়ে,
 তুঙ্গ সেতু তলে, গ্যাসালোক জলে ;
 রম্য শ্রেণীবদ্ধ আলোক প্রভায়
 মণিময় কাঞ্চী সম শোভা পায় ।

নদী দুই কূলে দেখরে আবার,
 কোথাও আলোক, কোথাও আঁধার ;
 যেই পাদপের, যেই প্রাসাদের
 উচ্চ গিরো ভাগ, কিম্বা পার্শ্ব দেশ—
 হাসে শশী করে ধবলিত বেশ ;

তারি তলদেশ, তারি অন্য ধার,
 কালি মাথা যেন, নিবিড় আঁধার ;
 সংসারের সমা, ধরেছে প্রতিমা—
 আজি যেই জন হাসিছে আহ্লাদে,
 কালি সেই পারে কাঁদিতে বিষাদে ।

তালে তালে মৃদু নাচিয়া নাচিয়া
 চলিল তরলী তটিনী বাহিয়া,
 কাহার হৃদয় নাহি মুগ্ধ হয়—
 দেখিলে এ দৃশ্য রম্য চিত্রোপম
 এ দিব্য বিরাম মূনি-মনোরম ।

সম্রাট, কৃষক, ধনেশ, ভিক্ষারী,
 যোগী কি বিয়োগী, সন্ন্যাসী, সংসারী,
 শ্রবির বালক, যুবতী যুবক,
 রোগী, সুস্থ-কায়, সকলেরি চিত
 এ সুন্দর শোভা করে বিমোহিত ।

আছে কি জগতে এমন হৃদয়—
 নরক সদৃশ অন্ধতমোময়,
 পাশাণ সমান নীরস পরাণ,
 যাহা নাহি হয় বিভোর উল্লাসে
 প্রকৃতির হেন কোমল বিলাসে ?

যদি কেহ থাকে, তাহার অন্তর—
 কালকূটে ভরা, পাপের আকর ;
 চুরি, কৃতঘ্নতা, জাল, বিদ্রোহিতা,
 নরহত্যা আদি সকলি সে পারে ;
 কোরো না কখন বিশ্বাস তাহারে ।

এ সময়ে ওকি শুনিবারে পাই !
 কই, কোথা গেল—আর কিছু নাই !
 ওই যে আবার, বাঁশরী কাহার—
 নৈশ সমীরণে হইয়া বিস্তৃত—
 ঢালে, শ্রুতিমূলে স্বর সুললিত ।

হৃদয়প্রতিধ্বনি ।

যত হইতেছে তরি অগ্রসর
তত বংশীরব আসে স্পষ্টতর,
আহা ! বেণু গানে মিশি এক ভানে—
তীরস্থ কুসুম কাশন হইতে
ভরিল চৌদিক বামা কণ্ঠ গীতে ।

আমরি ! সে পীত যাগিনীর সনে—
মিশিল,—উজল শশীর কিরণে,—
মিশিল সলিলে, মিশিল অনিলে,
সুমধুর ভাবে পরাণে মিশিল
সুধা ধারা যেন হৃদয়ে সিঞ্চিল ।

ক্রমে চলিলাম ছাড়িয়া সে স্থান,
শুনা নাহি যায় আর বেণু গান ;
দেখিতে দেখিতে ভাসিতে ভাসিতে
এ কোথা আইলু ? কি ভীষণ স্থান !
চিতানল জ্বলে—তবে এ শ্মশান ।

পড়িয়া কোথাও দন্ধ অস্থিজাল,
কোথাও করোটী, কোথাও কঙ্কাল,
হেথা ভস্মরাশি, সেথা মৃৎকলসি,
শব মাংস লয়ে শমীমূলে দূরে
করিছে কলহ শ্মশান-কুকুরে ।

চারিদিক হতে শৃঙ্গালের দল
করিয়া উঠিল ভীম কোলাহল,
পরেই অগনি একটি রমণী
আইল তথায়, পাইলু দেখিতে
মৃত শিশু কোলে, কাঁদিতে কাঁদিতে

কি করণ স্বরে কাঁদিছে অবলা
পুল্লশোকে, হায়, হইয়া বিহ্বলা !
শুনে সে রোদন, সিহরিল মন,
শোকের সাগরে পরাণ ডুবিল—
শরীর বন্ধন শিথিল করিল ।

ছাড়িয়া সে স্থান চলিলু আবার
ভাসিয়া ভাসিয়া দেখি চারি ধার,
কোথাও ভবন, কোথা কুঞ্জবন,
হেথা উচ্চ তরু, সেথা গুল্মচয়,
এই ঘাট, মাঠ,—ওই দেবালয় ।

এইরূপে কত আসি দেখা দিল,
আবার ক্ষণেকে অদৃশ্য হইল,
ক্রমে এ সময়, হইল উদয়—
নয়নের পথে একটি মন্দির,
ভগ্ন চূড়া তার পতিত প্রাচীর ।

দেখিলাম আমি কত দেবালয়,
কিন্তু এর মত একটিও নয়;
কাল-দস্তে পেয়া, যদি ভগ্ন দশা,
তবু দেখে আজো হুয় অহুমিত—
বহু ব্যয়ে কোন ধনীর নিশ্চিত ।

ঘাট, নহোবত, বিস্তৃত সোপান,
দীর্ঘ স্তম্ভচয়ে ঘেরা রঙ্গ-স্থান,
মধ্যে ভবানীর বিশাল মন্দির,
ছাদশটি শ্রেণী বদ্ধ শিবালয়
যার পদ চুম্বি সুরধুনী বস্তু ।

রম্য সরোবর, কমল কানন,
চারি পাশে তার ছিল উপবন,
যার ফুল ফল— লোভে পাখিদল
আসিয়া তথায় করিত নিবাস,
ঢালিত মধুর স্বর বার মাস ।

নিত্য ভক্তিভাবে আসি এ মন্দিরে,
যতেক ভকত পূজিত দেবীরে,
সম্মুখ প্রাঙ্গণে নট নটী গণে—
কত নব নব রঙ্গ দেখাইত ;
অদূরে সুনাদে নৌবত বাজিত ।

হায় রে, কালের বিষম পরশে
 মন্দিরাদি সব পড়িয়াছে খসে,
 দেখরে এখন হয়েছে বিজন,
 বট অশ্বথের নিবিড় শিকড়ে—
 ভেদিয়াছে যত দেউল প্রাচীরে ।

বিভীষিকা পূর্ণ, ভূজগের গেহ,
 ভয়ে এর কাছে নাহি আসে কেহ ;
 ওই গৃহ হতে ডাকিতে ডাকিতে
 উড়িল পেচক, তারি পরক্ষণে
 ডাকিল তক্ষক ভীষণ নিক্ষণে ।

এই মন্দিরের হৃদশা দেখিয়া,
 স্বদেশের কথা উঠিল জাগিয়া—
 আমার অন্তরে ; ধরণী ভিতরে—
 একদা ভারত এ দেউল মত
 ধন-মান-বশে ছিল সমুন্নত ।

স্বাধীনতা রূপ সুরম্য মন্দিরে
 আর্য্য ভক্তগণ পূজিত শক্তিরে,
 সগর প্রাজ্ঞে বীর নটগণে
 কতই অদ্ভুত রঙ্গ দেখাইত,
 বশের নৌবত জগতে ঘোষিত ।

দেব-ভাষা রূপ শোভন কাননে,
 ফুল ফল কত সাহিত্য দর্শনে,
 কবি পিককুল গাহিত অতুল,
 গৃহ সরোবরে নারী কমলিনী—
 ফুটিত, সৌরভে ভরিয়। মেদিনী ।

গিয়াছে সে দিন, ভারত এখন—
 কালের পরশে—অরণ্য গহন,
 ভেঙ্গেছে মন্দির, পতিত প্রাচীর,
 নাহি বাদ্য রব, নাহি মহোৎসব,
 জড় কুশীলব, স্তব্ধ পাখী সব ।

শুকায়েছে ফুল, ফলে না সে ফল,
 ফোটে কিরে আর সে নলিনী দল ?
 বিদেশী এক্ষণে বিস্ত্রিত নয়নে—
 দেখে তাহাদের চিতা-ভস্ম চয়,
 যাহারা কদাপি মরিবার নয় ।

জগত-বিজয়ী বীরের জননী,
 ভব-বিনোদিনী কবিতার খনি,
 নীতির ভূধর, শিল্পের সাগর,
 ‘ভুবন-প্রতিমা’ ছিল যার নাম,
 তোর কি মা আজ এই পরিণাম !!

বারি-কণাচয় বাষ্প রূপ ধ'রে
 ঘনঘটা করি ঢাকে দিনকরে,
 গরজে অশনি, হাসে সৌদামিনী,—
 চমকে চৌদিক, কিন্তু ক্ষণপরে—
 সেই জল গ'লে মিশায় সাগরে !

বারি বিন্দু প্রায়, হায় এ জগতে
 ফিরে ঘোরে সবে অদৃষ্টের পথে !
 উদয় পতন, জনম মরণ,—
 হরষ বিষাদ সকলেরি ক্রম ;
 ভাঙ্গা গড়া লয়ে বিধির নিয়ম ।

গ্রহ, উপগ্রহ, নক্ষত্র, মেদিনী,
 বর্ষ, ঋতু, মাস, দিবস, যামিনী,
 প্রাণী, পরমাণু, দেবতা, কীটাদি,
 আর যা যা আছে সৃষ্টিতে, সকলি—
 বাঁধিয়াছে এক পর্যায় শিকলি ।

স্বাধীনতা, দাস্ত্র, জনম, মরণ,
 পাপ, পুণ্য, শোক, অদৃষ্ট-লিখন,
 তটিনী-হৃদয়ে, নিশীথ সময়ে—
 কত চিন্তা আসি হৃদয় ভরিল,
 ওই মেঘ জালে শশাঙ্ক ডুবিল !

আশা-নৈরাশ্য-সংবাদ ।

এক দিন, রোগে শোকে জীর্ণ দেহ মন
অশ্রু-সিক্ত শয্যায় পড়িয়া,
নৈরাশ্যের সহ আশা, শুনিমু তখন,
কহে কথা অন্তরে থাকিয়া ।

“ওই যে নদীর তটে সৈকত শয্যায়
সুকোমল বিরামের স্থান,
দগ্ধ হৃদয়ের তীব্র যাতনা জুড়ায়,
ভীরা বলে বিকট শ্মশান ।

“যথায় বারেক জীব হইলে নিদ্রিত
জাগিয়া উঠে না কভু আর,
সমান তখন বন্ধু-করুণ-ক্রন্দিত,
কিষ্কা ঘোর বজ্রের হুঙ্কার ।

“হায় ! কবে ও শয্যায় করিয়া শয়ন
মর্ম্ম জালা করিব শীতল;
করিবে না শান্তি ভঙ্গ কখন স্বপন,
অথবা ধরণী-কোলাহল ।”

“কে তুমি, নাবিক বুঝি ? সংসার সাগরে,
 অসহায়, চৌদিক আঁধার,
 উত্তাল তরঙ্গ মাঝে ছুঁকিপাক ঝড়ে
 ডুবেছে কি তরণি তোমার ?

দৌর্ভাগ্য তোমারে লয়ে করিতেছে খেলা
 আজি যদি, হয়োনা কাতর,
 ভয় নাই, অচিরাৎ শাস্তিময়ী বেলা
 পাবে, কর সাহসে নির্ভর ।

“অদৃষ্টেতে যাই থাক, যে হও সে হও,
 নিজ দোষ করিয়া স্বীকার,
 পরম পিতার দণ্ড নত শিরে লও,
 পক্ষপাত-হীন সে বিচার ।

“সকল সন্তানে তাঁর করুণা সমান,
 মৃত্যু নহে অসি-ঘাত তাঁর,
 শোধন কারণে তাঁর শাসন বিধান,
 পাপে যাহে হইবে উদ্ধার ।

“আছে বটে নদীতটে সৈকত শয্যা
 পথিকের বিরামের স্থান,
 মাটির শরীর যথা মাটিতে মিশায়,
 হয় হর্ষ বিবাদ সমান ।

“তখন জীবের আত্মা দেহ মুক্ত হয়ে
 ঈশ্বরের ছায়ার সমান,
 অনাদি-অনন্ত-সীম শূন্যপরে গিয়ে
 সূর্য্য সম হবে দীপ্তিমান ।

“সে পবিত্র জ্যোতি কাছে স্ফুলিঙ্গ সমান
 ক্ষণ-ধ্বংসী তপন কি ছাই !
 ভূত ভব্য ভবৎ প্রভু স্বয়ম্ভু সন্তান
 আত্মার বিনাশ কভু নাই ।

~~~~~  
 অতীত জীবনালোক ।

হায়, কত দিন গভীরা রজনী,  
 যখন নীরবে ঘুমায় ধরণী,  
 সে সময়ে স্মৃতি মানসমন্দিরে  
 অতীত আলোক জ্বলে ধীরে ধীরে,—  
 কত কান্না—কত হাসি—  
 কত ভালবাসাবাসি—  
 মধুমাখা প্রেমকথা নবীন যৌবনে,  
 প্রেমোজ্জ্বল নেত্র কত  
 নিবিয়াছে জন্ম-মত,  
 কত উল্লাসিত হৃদি হতাশ এক্ষণে ।

হায়, কত দিন গভীর যামিনী,  
 যখন অঘোরে ঘুমায় মেদিনী,  
 সে সময়ে ধীরে ধীরে,  
 ভূত স্মৃতি আসে ফিরে,  
 ভাসি আমি আঁখিনীরে আপনা আপনি,  
 সে সব বান্ধব, যাহাদের সনে  
 বেঁধেছি হুঁ হুঁ প্রণয়-বন্ধনে,  
 দেখেছি তারাই কালের কবলে,  
 শুকপত্রপ্রায় পড়িয়াছে গ'লে।

যেন আমি ক্লান্ত হয়ে,  
 রঙ্গ-শেষে রঙ্গালয়ে,  
 ভ্রমিতেছি নৃহ পদে একাকী বিরলে।  
 নিবিয়াছে আলো গুলা,  
 শুকায়েছে ফুলমালা,  
 আমি ছাড়া আর সবে গিয়াছে রে চ'লে।

হায়, এইরূপে গভীর যামিনী,  
 যখন নীরবে ঘুমায় ধরণী,  
 সে সময়ে স্মৃতি মানস মন্দিরে  
 অতীত আলোক জ্বলে ধীরে ধীরে।

কাহে বুঝে আঁখি ।

কাহে দিন যামিনী বুঝে মরু আঁখি,

কাহে, সখি, পুছসি হামারে ?

যদি হিয়া-বল্লভ পরবাসে যাওত,

টুটইয়ে পেম-হেম-হারে,

তাহে ব্যথা কৈছন পরাণে না লাগত,

বিরহে পিরিতি পরিপাক,

খোড়ি ছুখ গমই স্নসমাগমে পুন

হরষ বাঢ়ত লাখে লাখ ।

যো সব পিয় জন ইহ লোক ছোড়ি,

চির তরে গত পরলোকে,

ইহ আঁখি যো মুহ অরু না পেখব কভু,

না রোয়ে মরু মন তাসব শোকে ;

গত-জীবন আজু যো জন বিলপয়ে,

সো পিছে যায়ব উহ জন-পাশ ;

যাঁহা চির মিলনে বিভেদ না ভই কভু,

যাঁহা না বহে পিয়-বিরহ-নিশাস ।

জীবন অধিক যো—অনুপম জগতে,  
 কায়মন বিকায়নু যাহে,  
 কলঙ্ক রটন, আলি, করু সূচরিতে আজু,  
 লোকে তবু অপবশ গাহে;  
 সখিরে, রতনমণি কিবা এ জীবন দানে,  
 ভেয়ব অপনয় তার ?  
 নাথকে অবশকথা মরম দগধে ঘোর,  
 তথি আঁখি বুঝে অনিবারু ।

### ছুটি টাঁদ ।

স্নেহের বসন্তকাল, প্রদোষ সময়,  
 মলয় পবন ধীরে— সরসীর স্বচ্ছনীরে  
 ক্ষুদ্র বীচিমালা তুলি, ধীরে ধীরে বয় ।

অন্তগত প্রায় ভানু সে দিনের তরে,  
 উচ্চতরু-শিরোপরে, রবি-রশ্মি রঙ্গভরে,  
 দিয়াছে কনক-চূড়া পরায়ে আদরে ।

স্থানে স্থানে কালো ছায়া পড়িয়াছে জলে,  
তরু, লতা, চারি কূলে,      সাজি ফুলে হেলে হলে  
সরোবরে নিজ শোভা হেরে কুতূহলে ।

উপরে আকাশ মরি ! কি শোভা ধরেছে,  
লোহিত পাটল পীত,      নানা বর্ণ বিভূষিত,  
জলে প্রতিবিশ্ব তার আসিয়া পড়েছে ।

সেই রম্য সরসীর ঘাটের উপরে,  
সোপান করিয়া আলা,      বসিয়া একটি বালা,  
বনদেবী মূর্তি যেন গঠিত প্রস্তরে ।

সন্নিহিত বকুলের প্রশাখা হইতে  
আশু কুসুমগুলি      মৃদু সমীরণে খুলি  
নীরবে পড়িছে তার মস্তকে অংসেতে ।

নবজাত কুসুমের ঘন গুচ্ছ ভরে—  
বকুলের শাখাশ্রিতা      একটি মাধবীলতা  
অবত্রে ঝুলিছে তার বাম স্বকোপরে ।

স্থাপিত দক্ষিণ ভূজে সূচাক বদন,  
লম্ববিলম্বিত-বেশা,      কুসুম-খচিত-কেশা,  
কর্ণ, কণ্ঠ, করে, চাক্র কুসুম ভূষণ ।

কুসুম-রচিত মালা গ্রস্ত অঙ্কদেশে,  
 সুন্দর সৌরভময়,— বাসন্ত কুসুমচয়,  
 স্তরে স্তরে বিকীর্ণ রয়েছে চারিপাশে ।

বারেক সতৃষ্ণ নেত্রে হেরি চারি ধার,  
 আবার আপন মনে শূন্য দৃষ্টে ভূমিপানে,  
 বসিয়া রহিল যেন প্রতীক্ষায় কার ।

ক্রমে ক্ষীণালোক সেই রবির কিরণ  
 উচ্চ তরু শির ছাড়ি, মেঘমালা পরিহরি,  
 পশ্চিম সাগর নীরে হলো অদর্শন ।

প্রফুল্ল পূর্ণিমা শশী এ দিকে অমনি  
 সন্নে লয়ে তারাদলে দেখা দিল নভস্থলে;  
 হাসিল আনন্দে ধরা, হাসিল রজনী ।

“কই, প্রিয়তম মোর, কোথায় এক্ষণে,  
 বলেছিলে ‘প্রাণেশ্বরী যখন দিবা শৰ্ব্বরী—  
 মিলিবে, তখন আসি মিলিব হুজনে ।’

“ওই তারাসহ শশী হাসিছে আকাশে,  
 আমোদে হাসিছে সন্ধ্যা, বিকশিত নিশিগন্ধা  
 শুধু কঁাদে প্রাণ মন না পেয়ে প্রাণেশে ।”

বলিয়া প্রেমসী মোর নিশ্বাস ছাড়িল,  
বৃক্ষ-অন্তরালে থেকে,      ও সুরম্য শোভা দেখে,  
হৃদয়ে মরম যন্ত্রে কি গীত ধ্বনিল !

কি সঙ্গীত ধ্বনি ? তা কে বুঝিতে পারিবে ?  
কারে বা বুঝাতে পারি,      আপনি বুঝিতে নারি  
কোন স্পর্শে হৃদয়ের কোন তার বাজিবে।

আনন্দে উন্মত্ত প্রাণ চপল চরণে—  
কাছে গিয়া, কর ধরি      বলিলাম “প্রাণেশ্বরি !  
আসিয়াছি যথাকালে তব দরশনে।

“আশ্চর্য্য হয়েছি, প্রিয়ে ! আজিকে আসিয়া,  
স্বচক্ষে এখানে প্রিয়ে      ছুটি চাঁদ নিরখিয়ে  
অবাক্ হইয়া ছিনু দূরে দাঁড়াইয়া।”

“কি আশ্চর্য্য ! ছুটি চাঁদ ! এ কি সত্য কথা ?  
না—মিছে করিছ ছল,      কোথায় দেখিলে বল ?  
আমারে দেখাও, নাথ, থাও মোর মাথা।”

“স্বচক্ষে দেখ না প্রিয়ে সত্য কি অলীক,—  
ওই দেখ নীলাশ্বরে      এক চাঁদ শোভা করে,  
আর চাঁদ হাতে মোর—সুন্দর অধিক।”



বলিয়া অধর ধ'রে করিহু চুষন;  
 প্রেয়সি সম্মিত মুখে, বদন রাখিয়া বুকে,  
 গলে মোর ফুল মালা করিল অর্পণ।

হৃদয়ের যন্ত্রে পুন সঙ্গীত ঝঙ্কার —  
 উথলিল, তাহে মিশি, বায়ু জল শশী নিশী,  
 গাইল; সঙ্গীতময় হইল সংসার।

কেন তোরে এত ভালবাসি ?

প্রিয়তমে, কেন তোরে এত ভালবাসি ?  
 ওমুখ দেখিলে কেন স্নেহের সাগরে ভাসি ?  
 নিবিড় নীরদ জাল সদৃশ কবরী কাল,  
 কামের নিগড় বলে যায় ;  
 সে বেনীর তরে ভাল বাসি কি তোমায় ?

প্রেমের পতাকা-সম জুয়ুগ-শোভিত  
 পরিষ্কার, ক্লান্ততার, আকর্ষণ বিস্তৃত,  
 অতুল স্নানর, আহা, ও ছুটি নয়ন যাহা,  
 মদনের সঞ্জীবক মণি ;  
 আরি তরে কিলো তোরে ভালবাসি ধনি ?

অকণ্ট, প্রীতিময়, মনের দর্পণ,  
নিম্নত হাসিতে ভরা ও চারুবদন,  
সরলতা, দয়া, মায়া, স্নেহ, ভকতির ছায়া,  
নিরন্তর যাহে বিরাজিত ;  
সে বদন তরে কিলো ভালবাসি এত ?

পুষ্পিত অশোক পাশে, বসন্তে যেমতি,  
শোভে নবীন পল্লবা সুন্দরী ব্রততি,  
কোমল অঙ্গুলিময়, তেমতি ও ভূজঘর,  
শোভিয়াছে ও বরাঙ্গ পাশে ;  
সে কারণ এ জন কি তোরে ভালবাসে ?

বসন্তে প্রফুল্লমুখী নলিনী যেমতি,  
অথবা বরষাগমে যথা শ্রোতস্বতী,  
কিস্বা সে শারদ নভে যথা শশধর শোভে,  
তেমতি যৌবন শোভাকর ;  
কুসুম-যৌবনে, তাই এত কি আদর ?

মৃদুমন্দ তরঙ্গিত স্বচ্ছ সরোবরে  
প্রফুল্ল কোমুদী কাস্তি যথা ক্রীড়া করে,  
তার চেয়ে শোভাকর, ও লাবণ্য মনোহর,  
কোথা লাগে চম্পক কাঞ্চন ;  
এ ভালবাসার প্রিয়ে তাই কি কারণ ?

নিতম্ব, উরোজ্জ, উরু, জঘন, চরণ,  
 আর যা যা দেহে তব আছে স্মৃশোভন,  
 সাধারণে যার আশে নারী জাতি ভালবাসে,  
 ভুলে যাহে বিলাসীর মন ;  
 আমার এ ভালবাসা প্রিয়ে কি তেমন ?

তা নয়, তা নয়, বলি, শুনলো প্রেমসী !  
 প্রাণের অধিক তোরে কেন ভালবাসি,  
 দেখিলে ওমুখ তোর, কেনরে আনন্দে ভোর,  
 হয় মোর হৃদয় নয়ন ;  
 এ ভালবাসার তবে শুন লো কারণ ।

চাকরীতে, মনে তোর পড়ে কি সে দিন ?  
 হারিয়ে সম্পদ, হয়ে সহায়-বিহীন,  
 কোনরূপে যোগে যাগে, নগরের প্রান্তভাগে,  
 তোমাসনে লইলু আশ্রয়,  
 অট্টালিকা ছাড়ি হলো কুটীরে আশ্রয় ;—

সে দিন স্মৃখী সেই সন্ধ্যার সময়,  
 উপবাসে কাটাইয়া দিন সমুদয়,  
 সারাদিন ঘুরে ঘুরে, গৃহে আইলাম ফিরে,  
 শূণ্য-করে, শূণ্য-মনে যবে,  
 বসন্ত কোকিল বন্ধু পলাইল সবে !

তখন কুটীর দ্বারে তুমি দাঁড়াইয়ে  
 সজল নয়নে ছিলে পথ পানে চেয়ে,  
 পাছে আমি ছুঃখ পাই, বিমলে, তুমিলো তাই,  
 স্নানভাব করিলে গোপন,  
 স্নানমাখা হাসি আসি দিল দরশন ।

হাসি কান্না একসঙ্গে হইল মিলন,  
 দরিদ্র-কুটীর হলো কুবের ভবন,  
 হাতে শত স্বর্গ পেলো, তাও আমি দিই ফেলে,  
 অমরতা চাহে না এ জন,  
 যদি পাই হাসি কান্না একত্র মিলন ।

আর সেই দিন, যবে পড়িয়া পীড়ায়  
 অবশ শরীর, মন অচেতন প্রায় ;  
 অশুভ লক্ষণ দেখে, বন্ধুগণ একে একে,  
 ছলভরে লইলে বিদায়,  
 পড়িয়াছিলাম যবে হয়ে অসহায় ।

ব্যথিত মস্তক মম ক্রোড়েতে লইয়া,  
 দিতেছিলে তুমি গায় হাত বুলাইয়া,  
 অবিরল নেত্রজল, ভাসাইয়া বক্ষস্থল,  
 হতেছিল নীরবে পতিত,—  
 মন-উৎস হতে যেন প্রণয় গলিত ।

বারেক ও মুখ পানে করিছু দর্শন,  
 (বিদায় লইতে যেন জনম মতন)  
 প্রিয়ে তোর হলো ভয়, পাছে মোর কষ্ট হয়,  
 দেখে তোরে করিতে রোদন,  
 তাই কান্না চেপে তুমি হাসিলে তখন ।

হাসি কান্না এক সঙ্গে হইয়া মিলন—  
 সঞ্জীবনী রস যেন করিল সিঞ্চন,  
 রোগের যাতনা গেল, শরীর সবল হোলো,  
 মৃত দেহ পাইল জীবন,  
 হাসি কান্না যেন মণি-কাঞ্চন মিলন ।

জগতে রমণী বটে অমূল্য রতন  
 থাকে যদি অকপট প্রেমে পূর্ণ মন,  
 সরল প্রেমের কাছে, আর কি ভূষণ আছে,  
 যাহা এত কামিনী-শোভন,  
 বাহে হতে পারে এত আদর ভাজন ।

যদি লো সরলে তোর রূপ না থাকিত,  
 যদ্যপি বিধাতা তোরে কুরূপা করিত,  
 তথাপি ও মন তরে ভাল বাসিতাম তোরে,  
 রহিতাম যাবত জীবিত ;  
 ঐ মন,—বাহে মিলে কান্না আর হাসি,  
 তাই তোরে, সুহাসিনি, এত ভালবাসি ।

## যামিনী ।

লোহিত-বসনা সন্ধ্যা মৃদুমন্দ হাসি  
লুকাই পশ্চিম সিন্ধু-জলে,  
দিনের উগ্রতা সঙ্গে, কোলাহল রাশি  
ধীরে ধীরে যায় যবে গলে,—

পরিচিত মূর্তি, আর চিন্তা অগণিত,  
(সুখ শান্তি লাভ করি যায়,)  
অজ্ঞাতে হৃদয়াকাশে হয় সমুদিত  
মৃদুজ্যোতি তারকার প্রায় ।

যামিনী আঁধারতম যবনিকা মেলে  
করে যবে আবৃত আমায়,  
সে সময়ে, দিবসের স্তম্ভ ভাবদলে  
মৃদু স্পর্শে, কল্পনা জাগায় ।

পার্থিব বন্ধন চয়ে ছিন্ন করি, প্রাণ—  
শূন্যপথে করে বিচরণ,  
দেখে—ষড়ঋতু যথা চির বিদ্যমান,  
ভীমকান্ত, অম্বর-কানন ।—

কোথাও আলোকময়, কোথা গাঢ়তম,  
 হই ভয় বিন্ময়ে স্তম্ভিত,  
 শৈশবের চিরস্মৃত স্মৃথ স্বপ্নোপম  
 কখন বা আনন্দে প্লাবিত ।

যামিনীর অশ্রু, হায় ! দুর্বাদল গায়  
 মুক্তা-শোভা থাকে কত কাল ?  
 প্রভাতে বিহগ-গীতে অমনি পলায়,  
 হেন মনোরম ইন্দ্রজাল !

রূপ রবে কতক্ষণ ?

গোলাপ, কুটেছ ভালো উপবন করে আলো,  
 মুখে হাসি ডালে বসি নাচিছ রঙ্গিনী,  
 নিজ রূপে গরবিনী ।

তুলিব কি ? তুলিব না ; যবে সেই স্নলোচনা  
 আসিয়া আপন করে পরিবে খোঁপায়,  
 তুমি শোভিবে মাথায় ;—

তখন আমার হয়ে, দুটো কথা বুঝাইয়ে  
 বোলো তারে, যে আমারে করেছে ফকীর,  
 এই প্রেম ভিখারীর ।

ও ফুল, কথায় বলে কাজ নাই, বোলো ছলে,  
মুখে বলে কত দিন হয়েছি নিরাশ,  
তাই করি না বিশ্বাস ।

সবিনয়ে বার বার কতই সেধেছি তার,  
গলে না কাতর বাক্যে নারীর হৃদয়,—  
ভুগে জেনেছি নিশ্চয় ।

ইঙ্গিতে, বা উপমায় উপদেশ দিও তায়,  
তাহলে বুঝিতে যদি পারে সে কামিনী,—  
নিজ রূপে গরবিণী ।

ক্ষণেক থাকিয়া চলে, বারে পোড়ো পদমূলে,  
শুকাইয়ে, শিখাইও তাহারে তখন,—  
রূপ হবে কতক্ষণ ।

ফিরে পান কি আবার ?

আবার জগতে আজি বসন্ত উদয়,  
আবার মলয় হতে সমীরণ বয়,  
শ্রামল গগন তল, শ্রামল শাদল দল,  
শ্রামল পল্লব শাখী পুনঃ শোভা পায় ২



আবার ফুটিছে ফুল, গুঞ্জরিছে অলিকুল,  
 আবার বিহঙ্গরবে মেদিনী মাতায় ।  
 নব ঋতু সমাগমে প্রফুল্ল সংসার,  
 কিন্তু ভূতকাল ফিরে পাব কি আবার ?

আবার পড়ে যে মনে শৈশব সময়—  
 অকপট, স্নকোমল, হাসি-কান্নাময়,  
 যবে বন্ধুগণ মেলি, আনন্দে করিয়া কেলি,  
 কাটাতেম মহাসুখে ছুটীর সময় ।

আর আমি ভাবিব না, স্বপ্ন সম সে ভাবনা,  
 ভূতলে দুর্লভ বলি এবে বোধ হয় ।  
 বাল্যকাল বাল্যমায়া গিয়াছে যাহার,  
 সে কি ফিরে সে সকলে পাইবে আবার ?

আবার দেখি যে আজি মানস-নয়নে  
 জীবন-প্রতিমা,—সেই নবীন যৌবনে;  
 ভ্রমিতাম বার সনে, সুখে সন্ধ্যা-সমীরণে,  
 হাত-ধরাধরি করি কুসুম-কাননে ।

এ জনমে মুখ তার, দেখিতে পাব না আর,  
 বিভূষিত এবে তাহা স্বর্গীয়-কিরণে ।  
 গিয়াছে যৌবনকাল, প্রেয়সী রতন,  
 আর কিরে পাব ফিরে সে সবে কখন ?

দূর হৈতে হায় ! এই সংসার-কানন—  
 দেখাইত সুখ উৎস, শান্তি-নিকেতন,  
 রৌপ্য-স্রোত প্রবাহিত, স্বর্ণ-ফল বিভূষিত,  
 না হরে অন্তর কার হেন প্রলোভন ?

•

কিন্তু যেই ভ্রমিয়াছে, একবার ভুগিয়াছে,  
 জেনেছে সে মরুময় কণ্টকের বন ।  
 আর কি পাইব সেই সরল অন্তর,  
 হেরিতাম যার গুণে ভূতলে সুন্দর ?

### ললিত এসরাজ ।

বাজ বাজ বাজ, ললিত এসরাজ,  
 প্রাণ খুলে তান ছেড়ে দেরে আজ ;  
 তোঁর মুখে মোঁর প্রেমের কাহিনী—  
 শুনিলে যদি রে গলে সে কামিনী,  
 মুখ ফুটে যারে বলিতে না পারি ।

উচ্চ সে যুবতী, আমি তুচ্ছ অতি,  
 তাহাতে আমাতে হবে কি সংগতি ?  
 ললিত পঞ্চমে হয়ে একতান—  
 তোঁর তারে বাজে সুমধুর গান,  
 তবে নেত্রে মোঁর কেন ঝরে বারি ?

বীণা তোর তার কাঁপিছে যেমনি,  
সেই মত কাঁপে আমারো ধমনী ;  
তবে কেন বল্ উঠে না রে তায়—  
সে সংগীত, বাহে হৃদয় জুড়ায় ?

এক সুরে কেন করে হাহাকার ?

প্রেম ছটিকার স্পর্শে, সে বামার  
যদি রে বাজিত হৃদয়ের তার,  
তা হলে দুজনে একতানে মেলি,  
লহরে লহরে প্রতিধ্বনি তুলি,  
গাহিতাম সুরে, হাসিত সংসার ।

সে বড় কঠিনা, তুই রে কোমলা,  
তুই চিত্ততোষা, সে হৃদয়-দলা,  
কর্ণে ঢালি তার, কোমল সংগীতে,  
আখির কুটিল ভ্রুকুটী যুচাতে  
পারিবি না তুই,—হাসাতে বদনে

তাই বলি আজ, থামরে এস্রাজ, \*  
তারে দ্রব করা নহে তোর কাজ,  
অমৃত সমান অপর পীড়ায়,  
প্রণয়-বিকারে তুই বিষ প্রায়,  
হৃদয়ের জ্বালা বাড়ে শত গুণে ।

## বনদেবী ।

“কে তুমি নির্ঝর তীরে বসিয়া, স্নন্দরি,  
প্রফুল্ল কোমুদী রূপে বন আলো করি ?  
তব ছায়া বুকে ধরি—উল্লাসিতা ধিরি ধিরি  
পদতলে কলনাদে, নাচিছে লহরী,

“তরুমূলে পৃষ্ঠ রাখি হেলাইয়া কার,  
বন্ধল বসনে কেন বসিয়া শিলায় ?  
করেতে মুণাল বালা, কর্ণে কণ্ঠে ফুলমালা,  
সপল্লব ফুল মরি ! দোলে অলকায় ।

“নবীন যৌবনে বনে কেন একাকিনী,  
নিভৃত নিকুঞ্জে যেন বন-বিহঙ্গিনী ?  
স্বাপদ সঙ্কুল বনে নাহি কিছু ভয় মনে ?  
বনবালা বুঝি তুমি, বন-বিহারিণী ?

“যে হও সে হও তুমি, মম বাক্য ধর,  
বনবাস অভিলাষ পরিহার কর ;  
এস তোমা সঙ্গে লয়ে, যাব আমি লোকালয়ে  
পরম আদরে তথা রবে নিরন্তর ।

“রম্য শিলাময় হর্ষো থাকিও, ললনে,  
কখন বা কুসুমিত প্রমোদ কাননে,  
মণিময় ছাদে বসি—লজ্জা দিও, লো রূপসি  
শারদ পূর্ণিমা চাঁদে, তরুণ তপনে।

“স্তরে স্তরে পদ্মরাগ কবরীতে দিয়া,  
কর্ণে মরকত হুল মৃদু দোলাইয়া,  
করে হীরকের বালা, কণ্ঠ-দেশে মুক্তামালা,  
হাসিয়া দেখিও মুখ স্ফাটিক দর্পণে।

“সতত শতেক দাসী সেবিবে যতনে,  
পুরাব বাসনা তব না উঠিতে মনে,  
কলকণ্ঠে গাহনায় যদি কভু তুষা পায়,  
সুতার সিরাজ সুধা ঢালিও বদনে।

“ওই দেখ, দিবাকর উঠিল মাথায়,  
দেখ জীব জন্তু সবে ছায়া পানে ধায়,  
প্রথর মধ্যাহ্ন কালে, একা নির্ঝরিণী-কূলে—  
কেন বসি ? এস যাই শীতল ছায়ায়।

“এ ধনি, হাসিলে কেন সত্য করি কও ?  
তুমি কি নগরে যেতে অভিলাষী নও ?  
আমিও, লো মুক্তকেশি, বনে বাস ভালবাসি,  
গেঁথেছি এ বনমালা দয়া করি লও।

“তুমি আমি দৌঁছে মিলি বেড়াব কাননে,  
সাজাব বরাঙ্গ তব কানন গ্রন্থনে,  
বন ফুল মধু খাব, আনন্দেতে গীত গাব,  
তথাপি নাড়িলে মাথা কেন বরাননে ?”

ইহা বলি পাছু যবে নীরব হইল,  
ধীরে ধীরে বনবধু উঠিয়া বসিল,  
কোমল অঙ্গুলি দিয়া— অলকাগ্র সরাইয়া  
মৃদু স্বনে স্তম্ভাধিগী বলিতে লাগিল ।

বিস্মিত বিহঙ্গ কুল নীরবে শুনিল,  
মুগ্ধনেত্রে কুরঙ্গিনী ফিরিয়া চাহিল,  
বায়ু যেন নাহি বয়, স্তব্ধ সব বনময়,  
নির্বাক লহরীচয় উজানে বহিল ।

“হে মানব, কি বলিলে, যাব জনপদে ?  
জানিয়া যাব কি সেই মানবের কাঁদে ?  
স্বার্থে বাহাদের স্তম্ভ, ছলনায় ভরা বুক,  
ইন্দ্রিয়-লালসা প্রেম, সৌহৃদ্য সম্পদে ;

“আশা স্বপ্নে বাহাদের হাসে কাঁদে মন,  
আকাজ্জা-পিপাসা সদা করে নিপীড়ন,  
মোহের কুহকে ডুবে, কৃত্রিম আমোদে গলে,  
রোগ জ্বর শরীরেতে, সন্ধিগ্ন জীবন ।

“হেন ক্ষুদ্র চেতা নর বুঝিবে কেমনে,  
 আমাদের সুখ কি তা ? নন্দন কাননে—  
 ইন্দ্র ধনু পথে যাই, ফুৎকারে ফুল ফুটাই,  
 সাজাই আবাস কুঞ্জ খদ্যোতিকা গণে ;

“তরল সুধাংশু রশ্মি নেত্র দিয়া পান,  
 তারা মালা অলকায় করি পরিধান,  
 পতঙ্গের পৃষ্ঠে চড়ে, বেড়াই গগনোপরে,  
 কল্লোলিনী তটিনীর সঙ্গে গাই গান,

“চপলার সঙ্গে খেলি নীরদে বসিয়া,  
 আঁখি মেলি নিদ্রা যাই কমলে শুইয়া ।  
 হেন সুখ পরিহরি, মানবের সহচরী—  
 কোন্ সুখে হব বল, স্বভাব ছাড়িয়া ?”

ইহা বলি, প্রস্রবণে আসি দাঁড়াইল,  
 পদ বেড়ি চক্রাকারে তরঙ্গ নাচিল,  
 ধীরে ধীরে তার পরে ডুবিল সলিলাস্তরে,  
 পণিক বিস্মিত নেত্রে চাহিয়া রহিল !

## শয্যা-কণ্টক ।

মাঠ হতে ধীরে ধীরে  
 গাভী দল যায় ফিরে,  
 বৃষ্টি-ধারা, ভ্রমর-গুঞ্জন,  
 জল-পাত, সাগর, পবন,  
 বিস্তৃত প্রান্তর চয়,  
 গগন নীলিমা ময়,  
 একে একে সমুদয়  
 ভাবিলাম মনে ।

একা শুয়ে—নিদ্রা নাই,  
 লতা পাতা ভস্ম ছাই  
 কত কি ভাবিছি তাই মনে ;  
 স্মৃথ নিশা গোহাইবে ক্ষণে ;  
 এখনি খুলিয়া প্রাণ  
 পাখীরা ছাড়িবে তান,  
 চাতক প্রভাতি গান  
 গাইবে গগনে ।



তুই নিশা অনিদ্রায়—  
 কাটায়েছি যাতনায়,  
 আজো বুঝি যাইবে অমনি ;  
 অগ্নি নিদ্রে, বিরাম-দায়িনি,  
 তোমা বিনা সে সকল  
 প্রভাতের স্নকোমল  
 স্নখ শান্তি স্নবিমল  
 যাবে অকারণে ।

তাই বলি শীঘ্র এসো  
 আঁখি সিংহাসনে বসো,  
 মোর এ কাতর দেহ মন—  
 করি তব চরণে অর্পণ ;  
 দেখা দিয়ৈ বার বার  
 পলায়ে যেও না আর,  
 দয়া কর অভাগার  
 মিনতি বচনে ।



## প্রকৃতি সম্বোধনে ।

মোহিনী কামিনী বেশে, অগ্নি লো প্রকৃতি,  
সাজিয়াছ কার মন তুষিবার তরে ?  
বল, তুমি কার তরে, সাজ নানা বেশ প'রে,  
নানা কালে, নানা দেশে, ধরায় অস্থরে ?

এই যে আজিকে তুমি, শারদ নিশীথে  
পরেছ উজল বাস স্নধাংশু কিরণে,  
গলে তারা হার দোলে, স্নধাকর টিপ ভালে  
হাসিয়া হেরিছ মুখ, তটিনী-দর্পণে ;

শ্রামল গগন তব নিবিড় কবরী,  
ছায়াপথ সিঁথি রূপে সীমন্তে বিরাজে ;  
চারিদিক শান্তিময়, বল তুমি এ সময়  
সাজিয়াছ কার তরে, এ বিমল সাজে ?

আবার যখন, সেই বসন্ত প্রভাতে—  
উঠেন পূরবাকাশে তরুণ তপন ;  
রাঙা রাঙা মেঘগুলি চারি পাশে থাকে ঝুলি,  
ধীরে সরোবর নীরে খেলে সমীরণ,

নানা জাতি ফুল ফুটে সৌরভ ছড়ায়,  
 নিভৃত নিকুঞ্জে গায় বিহঙ্গিনীচয় ;  
 নবীনা নারিকা যেন বিবাহের বেশে, কেন—  
 হাসি হাসি মুখে তুমি সাজ সে সময় ?

নিদাঘ মধ্যাহ্নে, যবে প্রচণ্ড ভাস্কর  
 বর্ষণে অনল-কণা ধরণী উপরে,  
 জলহীন জলাশয়, জগৎপ্রাণ অগ্নিময়,  
 চারি দিক মরুভূমি সম ধূ ধূ করে,

তৃষাকুল জীবকুল ছাড়ি ঘনশ্বাস—  
 শীতল ছায়ায় করে আশ্রয় গ্রহণ,  
 কোন দিকে নাহি রব, নিতান্ত নির্জীব সব,  
 কেন সেই উগ্রমূর্তি ধর লো তখন ?

আবার যখন, সেই প্রাবৃত্ত প্রদোষে  
 উড়াইয়া জয়ধ্বজা চারু সৌদামিনী,  
 ভীষণ অশনি করে, প্রভঞ্জন-রথে চ'ড়ে,  
 দলে দলে নভস্থল ঢাকে কাদম্বিনী,

বিচিত্র বাসব-চাপ কিরীট মস্তকে,  
 দোলায়ে বলাকা মালা কণ্ঠের ভূষণ  
 ঘোর হুঙ্কার রবে কাঁপাইয়া ধরানভে,  
 সে ভৈরবী রণ-মজ্জা কর কি কারণ ?

কি সুরমা শোভাময় পর্বত প্রদেশ—  
বিবিধ বিচিত্র লতা পাদপে ভূষিত,  
শৃঙ্গগুলি স্তরে স্তরে, উঠিয়াছে পরস্পরে,  
চূড়া তার হীরা সম তুষারে জড়িত ।

দুর্গম ভূধর শিরে লভিয়া জনম,  
ফেনিল-প্রপাত পথে হয়ে বিনির্গত,  
শ্রোতস্বিনী নানা দেশে পবিত্রিয়া, অবশেষে  
কলনাদে সিক্কুসনে হয় সমাগত,

ফেনরাজি বিরাজিত বিশাল জলধি,  
মিশিয়াছে নীলাশ্বর নীল জল সনে,  
আস্ফালে তরঙ্গচয়, চারি দিক সামাময়,  
কি গভীর ভাব তুলে দর্শকের মনে ।

সাহারার মহামরু বালুকা-সাগর,  
মায়াময়ী মরীচিকা যথা রঙ্গভরে  
শ্রান্ত পাছে ভ্রান্ত করে; প্রচণ্ড পবন ভরে  
তপ্ত বালুরাশি উড়ে পর্বত আকারে ।

ভীষণ স্থাপদ পূর্ণ নিবিড় অরণ্য,  
সদম্পতি যুথপতি করে বিচরণ,  
শাখাহতে শাখান্তরে, শাখামৃগ ক্রীড়া করে,  
কুরঙ্গ-কদম্ব স্নেহে খেলে অনুক্ষণ ।

প্রসারিয়া শাখা-ভুজ মহীকূহ ব্রজ  
 প্রেমভরে পরস্পরে করে আলিঙ্গন,  
 কুসুমিত লতাগুলি তত্পরি আছে বুলি,  
 কি সুন্দর শোভা ধরে বিশাল কানন ।

যেমতি নর্তকী কোন ভিন্ন ভিন্ন বেশে,  
 নানা অভিনয় করে রাজেন্দ্র সভার,—  
 কাঁদে সাজি ভিখারিণী, হাসে হয়ে রাজরাণী  
 বিরহিণী বেশে কভু প্রেম-ব্যথা গায় ।

দেখিয়া সে অভিনয় দর্শকের মন—  
 নানা রস ভাব স্রোতে উথলিয়া যায়,  
 কিন্তু কভু সে নটীর মনোগত প্রকৃতির,  
 কিছুমাত্র বৈলক্ষণ্য জনমে না তায় ।

তেমতি তোমারো, সতি, কত অপরূপ  
 লীলা খেলা প্রকাশিত ভুবন ভিতরে,  
 মানবের ক্ষুদ্র মন, করি তাহা দরশন,  
 কভু বা আনন্দে হাসে, কভু কাঁদে ডরে ।

না জানি কি ইন্দ্রজালে অলক্ষ্য শৃঙ্খলে  
 তোমাসনে বাঁধা আছে মানবের মন,  
 যাই তোমা পানে চাই, অমনি ভুলিয়া যাই  
 সংসারের হলাহল, বন্দের পীড়ন ।

নিরাকার বিধাতার মূর্তি দৃশ্যময়ী !  
 অসীম অনন্ত জ্ঞান শক্তি নিদর্শন !  
 ধন্য সে পবিত্র মন, ভক্তিভাবে অনুক্ষণ,  
 সৃষ্টিতে স্রষ্টার সত্ত্বা যে করে দর্শন ।

## স্বর্গীয়া পিতামহীর চরণোদ্দেশে

কোমল শৈশবে যবে সরল অন্তর—

যুথিকা-কলিকা সম ছিল স্নকুমার ;  
 যা দেখিত, যা শুনিত, সকলি স্নন্দর ;  
 দেখে নাই, শিখে নাই, কপট সংসার ।

যে সময়ে—শুনে নাই বাণ্মীকি হোমর—

বীণা-যন্ত্রে বীর-গাথা লঙ্কা টুন্ন নাশ ;  
 কালিদাস বায়রণ—প্রণয়-নির্ব্বার-  
 গলিত অমৃত পানে মিটেনি পিয়াস ;

দেখে নাই যবে—সেক্ষপীর ভবভূতি—

চিত্রিত হৃদয়-চিত্র সজীব উজ্জল ;  
 অথবা মিল্টন ব্যাস, লইয়া সংহতি,  
 যায় নাই যবে স্বর্গ-মর্ত্য-রসাতল ।

এ সকল দূরে থাক, কেবা বিদ্যাপতি,  
 মাইকেল, কে ভারত, যবে নাহি চিনি,  
 বন্দ মাতা, দাতা কর্ণ, চাণক্যের নীতি,  
 পাঠশালে গুরু মুখে জানি কি না জানি ;

সে সময়ে, আর্থো তব স্নেহময় কোলে  
 শয়ন করিয়া নিত্য নিশাকালে, স্মৃথে—  
 পুরাণ রচিত কথা স্মধুর বোলে  
 শুনিতাম, শিখিতাম কভু মুখে মুখে ।

দ্রৌপদীর স্বয়ম্বর, রুক্মিণী-হরণ,  
 জানকীর পরিণয়, রাম-বনবাস,  
 সাবিত্রী-পবিত্র-কথা, কুরুক্ষেত্র-রণ,  
 শ্রীবৎসের শনিগ্রাস, নল-উপন্যাস !

কত দিন কাঁদিয়াছি, তব মুখে শুনি—  
 দশরথ, করি-ভ্রমে, তমসার জলে,  
 বধিলে তনয় রত্নে, হায় ! অন্ধমুনি  
 শোকাকুল, পত্নী সহ পশিল অনলে ।

কখন বা হাসিয়াছি—বৃকোদর বলে  
 পিণ্ডাকারে কীচকেরে করিলে নিধন ।  
 রোষে গজিতাম কভু—যবে সভাতলে  
 পাপ হুঃশাসন হরে পাঞ্চালী-বসন ।

শ্রীমন্ত বিস্মিত নেত্রে কালিদহ জলে,  
 অপূর্ব অতুল সৃষ্টি কমলে কামিনী ;  
 সিংহল মশানে—ভূত প্রেত দানাদলে  
 লয়ে সঙ্গে রণরঙ্গে নৃগুণ-মালিনী ;

কত দিন সে কাহিনী, মুদিত নয়নে  
 শুনিয়া, ধরেছি, আর্থ্যে, জড়ায়ে গলায় ;  
 শুনিতে কোতুক বড়, ভয় কিন্তু মনে,  
 শিশুমনে যথা ভয় কোতুক তথায় ।

আর যত উপকথা—ছয়া সূর্য্য রাণী,  
 নৃপতির সাত পুত্র, বেঙ্গমা বেঙ্গুগী—  
 আদি করি, সে কোমল শৈশবে না জানি  
 কি মন্ত্র চালিয়াছিলে ঋতিমূলে তুমি ।

তব সেই মন্ত্র, আর্থ্যে, আজিও যৌবনে—  
 দেখায় অদ্ভুত স্বপ্ন জাগ্রত রাখিয়া,  
 আনন্দে कहায় কত কথা জড় সনে,  
 সচেতন সম তারে দেহ মন দিয়া ।

হাসে ফুল, নাচে লতা, গায় বিহঙ্গিনী,  
 তিতে তরু নেত্র নীরে, খেলে সৌদামিনী,  
 ভূধরের সঙ্গে কথা কয় তরঙ্গিনী,  
 আকাশে কুসুম ফুটে, ঘুমায়ে মেদিনী,



সিদ্ধু সহ রণরঙ্গে মাতায় পবনে,  
 নন্দনের পারিজাত সাজায় ভূতলে,  
 গুনায় অঙ্গরা-গীতি নিকুঞ্জকাননে,  
 ছড়ায় মুকুতা পুঞ্জ শ্যাম দূর্কাদলে।

এ সকল দেখি শুনি তোমার প্রসাদে,  
 কিন্তু তুমি কোথা ? হায় ! কোথায় এক্ষণে ?  
 শৈশবের শিক্ষয়িত্রী, নিয়ত বিষাদে  
 কাঁদে এ আকুল প্রাণ তোমার বিহনে।

নিবিয়াছে কত দীপ—মনাকাশ হতে,  
 বিশ্বস্তির অন্ধকারে, কালের বাতায় ;  
 তব স্নেহোজ্জ্বল মূর্তি রহিবে তাহাতে  
 সগোরবে চিরদীপ্ত তপনের প্রায়।

তব স্নেহ দয়া কথা, আমি ব'লে নয়,  
 প্রতিবেশী দীন, দুঃখী, আত্মীয়, স্বজন,  
 জানে তারা, তব কথা হইলে উদয়—  
 বাহাদের বাপ্পাকুল হয় দুঃখন।

যে লোকে গিয়াছ তুমি আজি, পুণ্যশীলে,  
 সে লোকে কি মানবের অশ্রুধারা যায় ?  
 যায় যদি, ধর সান্দ্র নয়ন সলিলে,  
 ভক্তিভাবে উপহার দিতেছি তোমায়।

## বিদায় বিদ্যালয় ।

কুহকিনী ছরাশার ছলনায় ভুলিয়া,  
 ত্যজি প্রিয় বন্ধুগণে, পরিহরি পরিজনে,  
 যদিও পথিক বায় নিজ গৃহ ছাড়িয়া,  
 তথাপি তাহার মন, অশ্রু করি বরিষণ,  
 চাহে স্বদেশের পানে বার বার ফিরিয়া ;  
 কাঁদে চির পরিচিত জন্মভূমি স্মরিয়া ।

তেমতি অভাগা এই কালের আজ্ঞায়—  
 শৈশবের সুখময় ক্রীড়াক্ষেত্র বিদ্যালয়,—  
 গুরু, সহাধ্যায়ী বৃন্দ ছাড়ি সমুদয়,  
 অজ্ঞাত সংসার পথে, প্রবেশিবে আজ হ'তে,  
 তাই সে বিষণ্ণ মনে মাগিছে বিদায়,  
 তাই কাঁদে প্রাণ তার বিয়োগ-ব্যথায় ।

জ্ঞানের মূরতি, গুরো, ভকতি-ভাজন,  
 এ দীনের মনাঞ্চলে— দিয়াছিলে যে সকলে,  
 বিদ্যামণি, জ্ঞানরত্ন, উপদেশধন ;  
 প্রমাদের ছিদ্র দিয়া, অধিকাংশ ছড়াইয়া  
 সে অঞ্চল কতে, হায় ! হয়েছে পতন,  
 বিস্মৃতি তরুরে আরো করেছে হরণ ।

স্বপ্নমাত্র আছে বাহা— তাহাই লইয়া,  
 মূঢ়বিকম্পিত পদে, গুরুচিস্তানত হৃদে,  
 সংসার কানন দ্বারে আছি দাঁড়াইয়া ।  
 ঢুকি ঢুকি মনে করি, কিস্ত প্রাণ পাছু ফিরি  
 স্নদীর্ঘ হৃদয়-ভেদী নিশ্বাস ছাড়িয়া  
 অতীত-বাল্যের প্রতি দেখিছে চাহিয়া ।

সম্মুখে সংসার ওই উজ্জল কিরণে,  
 স্বর্ণ ফল বিভূষিত— তরুগুলি অগণিত—  
 রহিয়াছে সারি সারি রঞ্জিয়া নয়নে ;  
 ওই মৃদু প্রবাহিণী—নাচিতেছে শ্রোতস্বিনী—  
 রজত তরঙ্গ তুলি ধীর সমীরণে ;  
 ওই যে ডাকিছে পাখী স্নমধুর স্বনে ।

আর যা যা দেখিতেছি সংসার কাননে,—  
এ জনের ভাগ্যে তা কি—সত্য কিম্বা হবে ফাঁকি,  
দূর হতে ক্ষুদ্র বুদ্ধি বুঝিবে কেমনে !  
আশা ভয় দুই দিকে দাঁড়াইয়া একে একে,  
দোলাইছে গুরু বেগে অশিষিত মনে ;  
হুলিছে অপক চিত্ত সংশয়-দোলনে ।

মুছ হাসি বলে আশা মধুর-ভাষিণী,  
সন্মুখেতে যে কানন—দেখিছ ও মধুবন,  
কল-প্রবাহিণী ওটি নদী মন্দাকিনী,  
ওই যে বিহঙ্গ সব করিতেছে কলরব,  
মদন সারিকা ওরা বসন্ত-সঙ্গিনী,  
সংসার-স্বপ্নের উৎস, উৎসবের খনি ।

কুক্ষিয়া ললাট নেত্র, বিকম্পিত স্বরে—  
ধীরে ধীরে কহে ভয়, ও গুলি রসাল নয়,  
মাখালের বন উহা সংসার প্রান্তরে,  
স্বপ্ন-শাস্তি-ধর্ম-নাশা ওটি নদী কস্ম্যনাশা  
ডাকিছে বিকট স্বরে বায়স নিকরে,  
জ্বর্ম সংসার মরু কণ্টকে প্রস্তরে ।

পুনঃ সেই সুখ বাল্যে—অস্থির অন্তর—  
 মনে করি ফিরে যাই, ফিরিতে ক্ষমতা নাই,  
 কাজে অনিচ্ছায় তাই হই অগ্রসর।  
 নিয়তির দৃঢ় আস্থা, কি সাধ্য করি অবজ্ঞা,  
 অদৃষ্টের গতি রোধ দেবের দুষ্কর;  
 কোথা লাগে মানবের শক্তি ক্ষুদ্রতর !

সবিনয়ে বনি আমি শ্রীগুরু চরণ;  
 প্রাণভরে, বন্ধুগণ, এস করি আলিঙ্গন,  
 বিদায় লইয়া যাই জনম মতন;  
 হয় তো কাহার সনে, কোন দিন কোন থানে  
 দেখা হবে, অথবা এ শেষ দরশন !  
 তাই ক্ষুণ্ণ মনে করি বিদায় গ্রহণ !

শেষ।



“

”

“

”

“

”

“

”







